



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09 i 18/13), te Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2022. godini broj: 02-04-10691-41.1/22, utvrđen Zaključkom Vlade Kantona Sarajevo broj: 02-04-10691-41/22 od 17.03.2022.godine, broj: 02-04-26792-39.1/22, utvrđen Zaključkom Vlade Kantona Sarajevo broj: 02-04-26792-39/22 od 07.07.2022.godine, broj:02-04-10273-2.1/23, utvrđen Zaključkom Vlade Kantona Sarajevo broj:02-04-10273-2/23 od 11.04.2023.godine, broj:02-04-22103-46.1/23, utvrđen Zaključkom Vlade Kantona Sarajevo broj:02-04-22103-46/23 od 18.05.2023.godine i broj:02-04-44731-1.1/23, utvrđen Zaključkom Vlade Kantona Sarajevo broj: 02-04-44731-1/23 od dana 20.10.2023.godine o b j a v l j u j e;

JAVNI POZIV NEZAPOSLENIM OSOBAMA

DA SE PRIJAVE ZA UČEŠĆE U PROGRAMU SUFINANSIRANJA ZAPOŠLJAVANJA PRVO ZAPOSLENJE

I

U cilju realizacije Programa o izmjenama i dopunama Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2022. godini, Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba), poziva nezaposlene osobe koje nemaju radnog staža i koje prvi put zasnivaju radni odnos, prijavljene na evidenciji nezaposlenih u Kantonu Sarajevo, da se prijave za učešće u Programu sufinansiranja zapošljavanja Prvo zaposlenje.

Cilj Programa sufinansiranja zapošljavanja Prvo zaposlenje (u daljem tekstu: Program) je obezbjeđenje potrebne kvalifikacione strukture radne snage i kraće trajanje nezaposlenosti..

II

Planirana sredstva za ovaj Program su 2.268.000,00 KM za 189 nezaposlenih osoba iz ciljne kategorije.

Služba će poslodavcima koji budu obuhvaćeni ovim programom, mjesečno, 12 mjeseci, refundirati sredstva u ukupnom iznosu od 1000,00 KM, po novouposlenoj osobi za dio isplate bruto plaće. Svi drugi eventualni troškovi padaju na teret poslodavca.

III

U Programu pravo učešća imaju sve nezaposlene osobe koje se prvi put zapošljavaju i zasnivaju radni odnos, prijavljene na evidenciju nezaposlenih u Kantonu Sarajevo, te poslodavci registrovani u Kantonu Sarajevo.

IV

Nezaposlene osobe koje ispunjavaju uslove iz člana III Javnog poziva, dužne su u Službi preuzeti Vaučer za posao i pronaći poslodavca koji će ih zaposliti i kojem predaju Vaučer za posao na dalje postupanje.

Poslodavci koji žele učestvovati u Programu dužni su:

1. podnijeti aplikaciju u roku predviđenom u javnom pozivu,
2. uz aplikaciju u originalu ili ovjerenoj fotokopiji priložiti:
 - rješenje o registraciji u Kantonu Sarajevo (za pravna lica koja su u skladu sa Zakonom obavezna izvršiti upis u sudski registar, rješenje o registraciji ili aktuelni izvod iz sudskog registra poslodavca ne smije biti stariji od 60 dana od dana podnošenja aplikacije),
 - uvjerenje o poreskoj registraciji sa identifikacionim brojem,
 - uvjerenje o izmirenim obavezama po osnovu poreza i doprinosa ne starije od 60 dana od dana prijave na javni poziv sa listingom o trenutnom broju zaposlenih (izdat od strane Porezne uprave Federacije Bosne i Hercegovine),
 - uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik ne starije od 60 dana od dana prijave na javni poziv (izdat od strane Uprave za indirektno oporezivanje Bosne i Hercegovine), a ako podnosilac aplikacije nije PDV obveznik dostavlja izjavu ovjerenu kod nadležnog općinskog organa ili notara da nije PDV obveznik
 - potvrdu ili ugovor banke o otvorenom glavnom računu poslodavca (ako je poslodavac budžetski korisnik šifra budžetskog korisnika)
 - Vaučer/e za posao popunjen od strane nezaposlene osobe/a i poslodavca.

Dostavljene ovjerene fotokopije dokumenata koje sadrže dvije ili više stranica moraju biti propisno ovjerene, odnosno iz istih mora proizilaziti da je svaka stranica bila predmetom ovjere.

Poslodavci koji redovno ne izmiruju obaveze uplate javnih prihoda ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru, kao ni poslodavci koji nemaju nijednog radnika ili osobu prijavljenu na penzijsko – invalidsko osiguranje

V

Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u

slučajevima odlazaka u penziju postojećih radnika i raskida ugovora o radu na zahtjev radnika, a do okončanja ugovora o sufinansiranju.

Izuzetno, odredbe iz prethodnog stava ovog člana Javnog poziva, ne odnose se na poslodavce iz javnog sektora.

VI

Javni poziv za Program ostaje otvoren do utroška sredstava, a najduže 6 mjeseci od dana objave uz mogućnost prekida i prije 6 mjeseci, a odobravanje aplikacija po Programu vršit će se prema vremenu i redosljedu zaprimanja na protokolu Službe.

Služba će sa poslodavcima koji budu obuhvaćeni Programom, zaključiti ugovore kojima će biti regulisana sva prava i obaveze ugovornih strana u skladu sa Programom.

Rok za realizaciju Programa je 18 mjeseci od dana potpisivanja pojedinačnih ugovora, uključujući i eventualne anekse ugovora.

VII

Obrasci za podnošenje Aplikacija i Vaučeri za posao mogu se dobiti u Službi u Odjeljenju za podsticajne mjere zapošljavanja, ulica Đoke Mazalića 3, kancelarija br.15/I ili preuzeti sa web stranice Službe www.szks.ba.

Nepotpuni i neblagovremeni zahtjevi neće se uzeti u razmatranje i neće se prihvatati dopuna dokumentacije.

VIII

Rezultati ovog javnog poziva biće objavljeni na web stranici Službe.

IX

Aplikacije sa potrebnom dokumentacijom podnose se u zatvorenoj koverti sa napomenom: „Za Program sufinansiranja zapošljavanja Prvo zaposlenje“ neposredno ili preporučeno putem pošte Javnoj ustanovi „Služba za zapošljavanje Kantona Sarajevo“ Sarajevo, ulica Đoke Mazalića broj 3.

Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-100.